

FRESHER'S SOCIAL HLIMAWM TAK HMAN A NI

Dt.09.08.13 khan Mizoram House Salt Lake-ah Fresher Social neih a ni a, hun hlimawm tak hman ho a ni. Kuminah hian Zirlai lo kal thar 80 bawr vel an awm.

Kumin Fresher's Social hi hnuaiyah hman a ni a, member hlui leh tharte'n nuam kan tiin kan hlim tlang hle.

Hun dang leh hmun danga kan harsatna ni thin 'a huna tan' pawh kan hruaitute thahnemngaihna avang leh member-te thuawihna avangin tun tumah hian harstna awm loin a hun takah kan tan thei a, a lawmawmin hmasawna ropui tak a ni.

Hemi hunah hian Mister leh Miss Fresher thlanna hun hman niin, Mr.Fresher atan Lalnunkima thlan ani a, Miss Fresher atan Sarah Vanlalawmpuii thlan a ni. Mr leh Miss Frsher te hi lawmpuina tarmawi nalh tak pek ve ve an ni.

Kan Sr.Adviser Pu Laima Chozah-in nu leh pa aiawhin Student-te fuihna thu tha tak min chah zawh ah hun hlimawm tak hman chhoh a ni.

Fiamthu thiam Roluaha'n hun hlimawm tak min rawn hmanpuiin min rawn siamsak a, kan nui nasa ham ham hle. Executive Committe member-te'n items hlimawm tak tak an rawn entir bawk a hmui kan chip hman meuh lo.

Summer Sports a Basket Ball Champion team te'n items tha tak an rawn nei a, kan zaithiamte'n zaiin min awi reng bawk a, Fresher-te pawhin nuam an ti hle.

Kham lo tak leh nuamti takin hun kan hmang zo a, tlaiah ruai kan theh.

MIN TANPUITUTE

KMS-in kan mamawhzia hriain he'ng mite hian sum leh paiin min tanpui a, an chungah kan lawm takzet a ni.

- 1) Pu H.Rohluna- Rs 20000/-
- 2) Pu Talo Rosanga- Rs 5000/-
- 3) CMRI- Rs-10000/-
- 4) Johnson DSS- Rs 3000/-
- 5) Computerise Embroidery- Rs 2500/-
- 6) Mizoram Health Care- Rs 2000/-
- 7) Sushan Mukrejee- Rs-3000/-
- 8) Lalit Kapoor- Rs 3000/-
- 9) Dr. Anil Mishra- Rs 3000/-
- 10) Dr. Malpani- Rs 2000/-
- 11) Dr.TK.Paharas- Rs 4000/-
- 12) Kestopur Mizo- Rs 1000/-
- 13) Jimmy Lalrinkima- Rs 1000/-
- 14) Abraham(Hamtea)- Rs 500/-
- 15) J.Das -Rs 1000/-
- 16) Ambika- Rs 1000/-
- 17) Laima Chozah- Rs 500/-
- 18) Samuel LH Dika- Rs 2075/-
- 19) Chun leh zua- Rs 300/-
- 20) Finger licks- Rs 500/-
- 21) Tlanzova Darngawn- Rs 500/-
- 22) Lalfakawmi Chawngthu- Rs 500/-
- 23) Valtea -Rs 100/-

CHAWIMAWINA HLAN

Kolkata Mizo khawtlang tana a thawh that avang leh KMS tana mi tangkai tak a nih avangin Pu H.Lala Songate chu chawimawina hlan a ni. KMS hian hetiana khawtlang tana mi tangkai leh chawimawi tlak, KMS thiltiha min phurpuitu leh min tanpui thintu, pa anga kan en chawt thinte chawimawi hi kan tihtur niin kan hria a, kum 2009 ah khan tuna kan Additional Resident Commissioner Pu Talo Rosanga hi kan lo chawimawi tawh bawk a ni.



Tualchung...

Zirlai hmel thar duhawm tak tak an rawn inlar sap sap a, thla an timuangin Kolkata khawtlang tana mi tangkai tak an nih zui ngei kan beisei.

Kolkata-a lehkha zir tuma lo kal zingah admission la tifel lo an awm tawh lo nia hriat a ni a, college admission an tih zawh hnuah hostel leh in luah tur zawngin an buai leh nak nak a, tunah hian awm hmun an bengbel fel thawkhat tawh hlawm.

Hetia zirlai thar duhawm tak takin min rawn belh lai hian kan senior member leh kan hruaitu hlun thenkhat chu an zirlaite zoin Mizoram lama haw hlen turin an inbuatsaih ve mek bawk a, khua an tihar dawnin an ngaihawm dawn khawp mai.

Mi tha tak takin min belh reng lain mi tangkai tak tak leh kan mamawh ngawih ngawih laite'n min kalsan ve reng a tul bawk a, heih khawvel dan a nih avangin keini pawhin kan pumpelth thei bik lo a ni. Mi inpe tak tak leh thahnemngai takte avangin Kolkata Mizo khawtlang hi tha takin a lo kal tawh thin a, kan awm ve chung hian a tichhe tu ni lo a hmasawntirtu ni zawk tum theuh turin kan inngen a ni.

Kan awm chungah kan theihtawp theuh kan chhuah hian kan hnu amite'n KAN KHUA hi pangngai tak leh tha takin an hmu thei thin a lo ni; Chuvangin helai hmuna kan awm ve chung rei lote ah hian kan theihtawp i chhuah theuh ang u.

**Kolkata Mizo tihmingtha tu nge
i nih hmai tibal tu?**

CHUAILO

Estd. May, 2004

Editor : ahooma
 Joint Editors : VT.Lawmsanga
 : Lalruatkima
 : Vanlalpeki Ralte
 Patron : Alex Rosangluai



Enkawltu Kamliam

Khual tha nge khual chhia

Kan Biakin inkhawmnaa kan thu puangtuin mikhual inkhawm a dintir zawh a, 'kolkata-ah hian tumah a neitu bik kan awm lo a, hetia a han phusa deuh ho pawh hi mikhual cham rei mai kan ni a...', tih vel a sawi thin hi a lo kal thar berte pawhin kan hre vek tawhin a rinawm.

Ni e, Kolkata-a Mizo zingah hi chuan helaia piang leh sei lian sawi tur an awm a nih pawhin chhiar tham chu an awm kher lo ang, mikhual vek awmkhawm kan ni a; khual tha kan nih leh nih loh chu keimahni awmdanin a hril tur a ni.

Zirlai zingah ngat pheii chuan tuna kan hruaitute leh KMS tana tangkai tak tak i hmuh tam zawk pawh hi kum thum kum li vel kal ta a ti tak leh inthlhung ru taka KMS leh Mizo Welfare vela rawn inhmang tan vete an ni hlawm. An mikhualna ramah hian kut kuanguaha thut a, thlen inte tihsa rin vek ringawt tum loin tih tur an dap a, an tangkai ve theihna turah theih tawp an chhuah a, mikhual tangkai tak niin an hun an hmang a, hriatreng an ni tawh dawn a ni. An awm rualpui leh anni aia senior tak tak zingah pawh hriat reng lem loh tur tam tak an liam tawhin an la liam zel dawn bawka ni.

Kum hnih kum thum a vei leh ang a, khual tha nge i nih a, khual chhia tih chu miin an hre tawh ang. I awmna khawtlang tana i tangkaina hmang chhuak duh mi i nih a, i theihtawp chhuah tum mi i nih chuan kum thum a vei leh meuh chuan fresher lo kal tharte'n hruaitu en a an en, 'Kolkata neitu' nia an hriat i lo ni ve tawh ang. A nih loha mahni theihna ah pawh che chhuak peih lo leh khawtlang tana tangkai tum lo i nih chuan, 'keini aia junior leh naupang te te hi an inti thu hlawm lutuk a' tiinn awmhmuna i la insawh ila insawh ang a, tuma'n an uksak si lo ang che.

I lo kalchhan i zirlai ngai pawimawh hmasa ber la, chumi zawh ah midangte tana tangkai, Mizo hnam leh i awmna khawtlang tana thil tha tihtum la, helai hmunah hian khual tha niin Kolkata hi i ta a lo ni tawh ang a, i hming an sawi nikhuain helai hmuna i thiltha tih hi a lang zel ang a, Kolkata Mizote tana mi tangkai an sawichhuah nikhuaah i hming hi sawichhuahin a awm ve thin ang.

Mizoram lam chanchin....

UPSC 2012-13 SERVICE ALLOCATION

UPSC 2012-13 Service Allocation chhuak a Zohnahtlak tling kan hriat theihthe:-

- 1.Mr. Neilenthang Telien - IAS
- 2.Ms. Grace Lalrindiki Pachuau - IRS (IT)
- 3.Mr. Eric C Lallawmpuia - IRS (C&CE)
- 4.Ms. Larinpuii Hrahse - IDAS
- 5.Mr. Samuel S. Vaiphei - IRS (C&CE)
- 6.Mr. K Lalbiakchhunga - IDAS
7. Mr. Joel G Haokip - IRAS

EIRUK THUBUAI KHAWIH TUR RUAT THAR

Aizawl Distric & Session Judge, KL Liana chu Guahati High Court in a hna chanpual tur a ruat thar a; Prevention of Corruption Act leh dan dang chi hnih khawih turin a ruat.

KL Liana hna chanpual tur ruatna hi Guahati High Court chuan dt.06.08.13 khan a tichhuak. PC Act bakah, Essential Commodities Act leh Narcotic Drugs Psychotropic Substances Act te a khawih ang.

DIDIKA LEH MAMA

Mama leh Didika chu India Squad ah koh an ni : India manager Wim Kovermans chuan Tajikistan hmachhawn tur India squad chu a puang ta a, Mizo pahni S. Malsawmtluanga leh Lalrindika Ralte te pawh squad ah hian telh an ni. India hian Tajikistan nen Khujand ah 14 August 2013 hian International Friendly match an khel ang.

ZAWLNUAM MZP

MZP Hqrs, Zawlnuam Emergency Meeting dt.08.08.13 a neih chuan hun rei tak ata tawh Zawlnuam khawchhunga zirna in thenkhat a zirtirtu leh Staff indaihlohna Sorkar ah thlen a, tihhlawhtlin sak tura an ngenna te'n tun thlenga awmzia ala neih loh avangin tunkar lo awm tur Nilaini dt.14.08.'13 thleng hi Sorkar ngaihchan nise, hemi hun thlenga a hlawhtlinna hmuh ala nih loh chuan lungawilohna lantir na'n Zawlnuam khawchhunga Zirna in zawng zawng te khar nise tiin a rel.

MIZORAM UNIVERSITY KAWNG

Wawi tamtak kan hriat leh kan chhiar tawh thin angin, kan rama zirna in sang b Mizoram University kawng chu a la chhe hle a, hei hi siamthat vat a nih loh chuan helai chhehvela awm vengte chuan road block emaw bandh emaw neih mai a tul an rin thu an sawi.

article

NUNDAN PHUNGPHANG -C.Valpuia, Picnic Garden

Hnar a boruak hip lut a, mitkhap rulh rulh paha, dak zuah zuah thei kan nih chhung chuan mihring nundan tur phung hi ngun tak a chhut cheuh cheuh hi a ngai fo a, zilh loh fa sual ang mai a duh dan dan a khawsak ringawt hi chu nundan tur a ni lo tih lah chu kan hre bel fu lawi thung a; mahse kan ngaihtuahna a kan suangtuah nundan dik a nun erawh kan tum hauh si lo thung. Thiante ak rual a ak ve ringawt hi nundan tur phung emaw ti tawh lah kan bo lo! Dam kan thlahlel hle a, mahse thih hnu piah lam thil hre kur chungin kan bengkhawn tha duh der mai si lo. A enga pawh chu lo nise Hringnun hi eng ber ni ta ang le?

Tlangval pakhat chuan a lu-ah siai (puakruk) a chuktuah a, a ri thuai a, bang var tak chu a sen nghal vek a, a chhungte'n an bawihawm nghal a, chhan tlak a awm ta lo. Chutih mek lai chuan a dawhkan a pawhdawhah chuan lehkha them a hnutchhiah chu hmuin ti hian a lo inziak a, 'Zilhau-tu ka neilo, nundan thiam a zirtirtu ka neilo, hringnun hlutna hrilhtu ka nei hek lo ' tiin a lo inziak a, a nu leh pa thinlung chu a khei khawp mai inchhir a sawt tawh hek lo. A ni reng a, an fapa neihchhun kha an duat a lei-ah nundan tur an hrilh ngai lo a, a khawsk dante chu an haider zel a, zilh leh fuih chu khawilam, a duh apiang an tihsak a, atawp-ah nundan hrelo an fapa-in ama nunna hlutna pawh hre loin ama kutsal-a a'n thih meuh chuan an tih tur an tih loh zia an hrechhuak tlai khawhnu lawi a, mahse sial a bo hnu a a kawngkhar siam that ang lek fang an chan a ni ta.

A ni tiraw... Tunge keini zingah hian zilh loh fa awm ang le? Chhungte'n min fuihna chu a in hnem hleih mai thei e, zilhauna tawmgkam hi a thlum hranpa si lo a, chutah nin-ah kan chang a, zawm erawh a awm hlei law. Kristian kan nihna hian kawng tam takah min chelh a, kristian ni lem lo tungchhova kal ve thote hi chu lehkhathiam an nih lem loh phei chuan nundan phungphang hi an hre hlawl lo a ni. Hei tak hi a ni kan kristian-na in min cheina tak chu ni. Tin Mizo kan nihna hian nundan chu a keng tel nasa em em bawh a, tlawmngaihna te, aia upa zahna te leh a dang zawng zawngte hi ngun taka chhut chuan a Pathian thu riau a ni; mahsela kan tunlaina hian a bosal zova tlawmngaihna te, aia upa zahnte hian mual a liam mek a nih tak hi. Pumrua-ah kan intiat tlan tawh chuan inzhahna lampang ai chuan inlak PA na atanga lo chhuak 'ka ngam (cho)' tih thinlung kan pu zawk tlat a, tlawmngaihna ngat phei hi chu thangtharte hian kan tlachham em em a, tlawmngaih hram hram ai chuan zelhlelna in kan khat liam thung a. A va rapthlak em.

Thawhchhuah nei uk pak si loin, ka nundan chu ka nundan a ni mai sawisak ka ngailo i ti chiah maw? I mihringpui fuihna pawh i zawm theilo a nih chuan Pathian thu chu i zawm dawn reng reng lo. I mihringpui nang aia upa zawk pawh i zah zo lo a nih chuan i Siamtu phei chu i zah zo ngut dawn em ni? I mihringpui bulah pawh i tlawmngai theilo a nih chuan lei leh van siamtu hmaah phei chuan i tlawm theilo Chiang bang ngei ang. Tin kan Mizo inzirtirna leh kan Pathian thu hi a kalkawp tlat a sin. Chuvang chuan duh dan dan a tal

ringawt hi kristian-te tan chuan a fel lo a ni. I duh dan dan a i tal pawl ringawt a nih chuan maw..I tun hun kha, fa i nei hun a i fate nakin hun tur a nih kha aw. Chu chu i hriat reng a pawimawh a ni. Sialrangin Sialrang a hring tih leh Sakawlin Sakawl a hring tih hi hman ata tawh a la danglam ngailo, i tun nundan khan i fapa/fanu kha awm ta se i lungawi chiah ang em? I lungawi hauh lo ang le. Mahni i in enlet ang a, i zak viau ang nge, mahni in enlet nachang pawh i hrelo ang, nge ni a in enlet ngamlo khawpin i zak zawk ang, ngaihtuah Chiang teh i nundan kha.....

Awle, a tawp na'n chuan nundan phungphang dik chu inhrilh nawn kher a ngai awm lo e, nundan dikah chuan kal mai ila, a diklo lam kha chu hnualsuat ngam ila, kan hnualsuat avangin enge kan chana kan hloh? Engmah, e nilo chhass kan chan ang maw, thil chan a zawnga pawilo ber a niang chu. A aia tha zawk leh fel zawk a la rawn kal mai dawn a lawm, tin nula/tlangval kan ni a, vanglai chen tur kan ni, siamtu hre reng chungin, mahni tawkah chhaitur Di kan vai bik kher lo ang; Amaherawh chu chhas thlak chhen i nih chuan midangte'n i hnunglamah engtin nge an sawi ang che? Luck an tih rual che khan a phenah khan lerh lutuk chhass nei rei theilo an ti bawh ang che, miten a hmeltha lutuk mahse a khawlo lutuk a lerh ropui si an tih tak che kha maw i hria em... (a in ngaihbel apiang in ni mai).

Kawng engkim-ah hian nundan tur dik chu a awm ngun takin chhut ila chumi nundan dik chu i zawh hram hram ang u..... KALAWM E.

Ka tiam ang che- Rinzuala Khawhling

Ka tiam lo che,

Thlalêr ramro pihah chawlhna nuam.

Ka tiam lo che,

Retheihnain a ban phâk loh hausakna.

Ka tiam lo che,

Hling tel lo Rospar mawi chu.

Ka tiam hek lo che,

Lungngaihna tel lo nuih rengna hringnun pawh.

Ka tiam ang che,

Thlalêr ramroah i kiangah ka awm ang.

Ka tiam ang che,

Sum leh pai aia hlu thinlunga lungawina.

Ka tiam ang che,

Hling chhunna hliam tuam dam târin.

Ka tiam mawh ang che,

Lungngaihna hnemtu THINLUNG RINAWM reng tûr chu..

REAL vs CHELSEA

Guinness International Champions Cup chu khelh zawh niin Real Madrid chuan an khingpui Chelsea chu 3-1 in an hneh. Madrid tan hian Marcelo chuan Minute 14 naah Goal hmahruai a thun a, Ramires chuan Chelsea tan minute 16 naah an si phur chu sutin, Cristiano Ronaldo



chuan Minute 31 naah Freekick atangin Madrid chu 2-1 in hma a hruai pui leh a, 2nd half ah Ronaldo bawkin a tauh lut leh a, 3-1 in an chak ta a ni.

SAHA A CHAWL DAWN TA

Manchester United striker hlui Louis Saha chuan kum 35 piancham a lawma ah professional football khelh achawlhsan tur thu a puang ta. Saha hian Metz atangin a football career bul a tan a, Newcastle United ah kalin Fulham, Manchester United, Everton, Tottenham Hotspurs leh Sunderland-ah te hun a hmang a, season hmasa khan Lazio tan a khel. Tun atang chuan professional footballer ti a koh ka ni tawh dawn lo a, hei hi ka hun tawpna chu a ni ang," a ti.

ulhbun conti....

U Lala hi chu a tlangval lai atang tawh khan a Cial ve em, khawkhath nula chhelo pawh min rawn chhai thlu nalh mai a nia.

- Nu Zarmawii

PG a awm tur nula chhelo deuh a rang lama mamawh a ni e. Mipa tan hmun a awm tawh lo.

-Rodinpuia

Ka 'si' tawh tiah tiah.

-Serena-i

Thu puan dawn leh tawngtai dawn hi chuan third voice hman a ngai leh thin.

-PC.Puia

Tunlai chu a free in ka innkhawm ngun hle mai.

-Oshin

OB te inchhai thluktur dan in hriat duh chuan fresher ho khan min lo zawt rawh u. Thla hnih chhung a free in :)

-Temami

Chhas thar deuh reuh ka nei leh tawh a sin, ka in control tawh khawp mai, hmana in hriat Lalpaa kha ka ni tawh lo.

-Boyka yurii Lalpaa

Inleng kan nei a, ulhbun kan hnianghnar khawp mai.

-Ed board

Kolkata a C.Muana thlak tu tur ka nih hi.

-C.Valpuia

A changtunu a rawn chhuk tawh bawk a, Aishwarya Rai ka mamawh tawh lo e.

-Abet Khan(Sallu Bhai)

Fresher Social-ah khan Asansol lampang min sawm ve lo a...

-Piana, volleyball player

Kum sawmli tlin dawn tawh lamah lam ka'n thai leh chu a nia, kawng ka herh khawlo dawn a lawm mawle.

-U Samu-a

One night at Paris iangin one night at Mizoram House with Roluaha(ngaihno beina riau a nei.)

-Aluaia

^----- i khan nasa bik :)

-Gerald Puia

Hmeichhiaah lo piang law law ila, nula tamtak hi chuan min tluklo ag mawle..

Miss Zuliasa

Lampui tur nula select kawngah hi chuan ka bon ve tawk.

-Sawmtea

Kumin miss fresher ai chuan nikum miss fresher kha chhelo ka ti zawk.

-Rempuia aka Suia

Ka inpuahchahna leh ka thawhrimna vang liau liauin miss fresher 2013 ka ni tih hi Kolkata mizo mipuite'n min lo hriatpui se, midang pawh kan theih tawp kan chhuah a, kan thawhrim phawt chuan kan hlawhtling thei a ni tih hi hre vek turin ka duh a ni.

-Miss fresher

Kum sul tam la vei lo mahse hun engemawchen sam ang then tawh hnua kulkhut khawpuia lam ang han let leh meuh chuan lunghlui a lengin luaithli nul a awl ngei mai.

-U Vani

Zan lama nula ka biak vak vak hian a tuk lamah ka inchhir leh ziah: mahse ka biak thin hote kha chuan rilru leh tihtakzetin ka bia che u tih in lo hre dawn nia, ka haw hnai tawh bawk sia, ka'n inpuang vek law law ang e, thianpa Fela leh Samua te, Pc Puia, Zonuna te, Sawmtea te tih loh dan a ni bik hlei nem :)

- C.Muana